



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 113. Reconciliato Cæsarem inter & Mathiam Regem Pragæ stabilita.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. diploma supremæ Curia Patribus offerretur: Responsum est eis, factam
 A. C. 1610. runt, supplices, ut illud ad acta referretur: Responsum est eis, factam
 quidem esse scholas aperiendi facultatem, ea tamen lege, ut intra semestre in corpus Universitatis Professores cooptarentur. Verum obstabat Sorbona, cujus Doctores die decima sexta Septembris unanimi consensu decernebant, huic favori, omni conditione sublata, nomine totius Universitatis obsistendum esse. Interim Regius Senatus iusserat, ut litigantes partes cum suis Caussidicis comparerent. Præstituta igitur die conveniunt omnes, & quidem Sorbonici Rectoris partes tuebatur Facultatis Decanus, aliique Doctores unacum Dacollo Advocato. Ex altera parte erant PP. Cotonus & Montholonius Jesuitæ unacum Siburio Caussidico: Hi sexta jam vice convenere, quin hac in caussa quicquam decideretur.

Joann. Ser-
 ran. Hist.
 Franc.
 pag. 902.

§. CXIII.

Reconciliatio Cæsarem inter & Matthiam Hungariæ Regem Praga stabilita.

Slavata
 chron. Khe-
 venhill.
 part. VII.
 Calmet hist.
 univ. l. 150.

Recrudescabant interim indies contentiones inter Rudolphum Cæsarem & Matthiam Hungariæ Regem. Hic enim non modo Bohemiæ Regnum, sed ipsam

ipsam etiam Imperii coronam ambire videbatur: Leopoldus quoque Archidux, connivente Imperatore exercitum suum, quem occasione Juliacensis expeditionis collegerat, Passavium Bohemix vicinum oppidum traduxerat, non sine ingenti civium formidine: Verebantur enim Protestantes, ne Inquisitionis tribunal inveheretur, aut concessi ipsis favores revocarentur: Confluxerant quoque Pragam Mense Majo ad indictum Conventum utriusque partis Principes, atque inter eos præcipue Moguntinus, Colonienfis & Saxonicus Electores per Legatos suos, necnon Maximilianus & Ferdinandus Archiduces, præter Brunsvicensem Ducem & ambos Hassiæ Landgravios. Eo etiam suum Oratorem decreverat Bavarix Dux. Actum est inter eos die quinta Maij de reconciliatione Cæsaris cum Matthia Rege, de Successione Regis Romanorum de compositione motuum Juliacensium, & demum de causa Donawertensi: circa hanc post varias ultro citroque missas literas tandem conventum est, quod Bavarix Dux hanc urbem pristinx redderet libertati, expensis in hac expeditione factis prius Duci compensandis. Circa Juliacensem Ducatum fuerat decretum, quod hic ab Electore, aliisque Saxonix

Sæc. XVII.
A. C. 1610.

*Merc. Gal-
lobelg. t. 6.
p. 537. 585.
l. 3. & 4.
Bare. Hist.
gen. d' Al-
lemag. t. 9.*

L1 4

Prin-

Sæc. XVII. Principibus unacum Brandeburgensi & A. C. 1610. Neoburgensi possideatur, atque administraretur, salvo jure investituræ a Cæsare Saxoni concessæ: hæc tamen conditio non minus quam Principum conventus hoc anno Coloniz habitus effectu caruit reclamante Neoburgico: Interim Henricus Julius Brunsvicensis Dux totum in eo studium contulit, ut firma pax inter Augustissimos Fratres sanciretur: nec defuit ejus conatui prosper eventus; his enim conditionibus reconciliatio feliciter peracta est. I. Matthias Cæsarem pro summo Imperatore, Bohemiz Rege, Moraviz Marchione supremo & Domus Austriacæ Capite haberet. II. Eidem Rex quotannis bis mille urnas vini & quinquaginta florenorum millia submitteret. III. Nec ipse nec præfatæ Provinciæ, inscio Cæsare, fœdera inirent. IV. Intra unius Mensis spatium copiæ utrinque dimitterentur. V. Quotiescunque contra Turcam bellum gerendum esset, illius Moderator Cæsar haberetur. VI. Etiam Germano milite Hungarica propugnacula defendenda permitterentur, pro more suppeditatis Cæsari ad horum defensionem necessariis. VII. Mutuam sibi invicem in reprimendis rebellibus operam conferrent. VIII. Rex & Fratres & agnati reliqui Tyrolensem Comitatum Cæsari

Cæsari totum permetterent, utque omnibus venia daretur, maximopere adlaborarent. IX. Matthias per legatum flexis coram Rudolpho fratre genibus veniam ante biennium gestorum, & ducti per tumultum in Bohemiam exercitus deprecaretur: Jamjam Maximilianus & Ferdinandus Archiduces unacum Viscontio Comite Matthiæ Legato in eo erant, ut ad Cæsaris alloquium admissi de genibus veniam pro Rege peterent: At ut erat generosa Rudolphi mens, clementia victus, sua ipse manu deprecatorias Matthiæ literas lacerabat, dicens, *nolo, ut exemplum exstet, quempiam de Austriaca Domo eo devenisse, ut Cæsarem flexis genibus coactus fuisset deprecari.* His dictis quasi omnis offensæ immemor cum illis de rebus aliis collocutus est. Cum autem inter Principes conventum esset, ut hæc conditiones ante Septembris finem utrinque acceptatæ chirographis eorum firmarentur, hinc illæ etiam die quinta ejusdem Mensis ab Electoribus & Principibus Pragæ congregatis ratæ habebantur. Verum hæc Fratrum concordia mox evanuit, Passaviensi tumultu postea exorto.

Sæc. XVII.
A. C. 1610.